



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

ODLUKA

*o izboru članova Komisije za razmatranje, obradu i analizu pristiglih prijava na
Konkurs za stipendiranje učenika srednjih škola iz Budžeta Grada Sarajeva,
predstavnik Gradskog vijeća, za školsku 2023./2024. godinu
(radni materijal)*

*Predlagač:
Komisija za izbor i imenovanja*

*Obradivač:
Stručna služba za poslove Gradskog vijeća Grada Sarajeva*

Sarajevo, januar 2024. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) i člana 9. stav 3. Odluke o stipendiranju učenika srednjih škola iz Budžeta Grada Sarajeva („Službene novine Kantona Sarajevo“, br. 7/22 i 2/23), Gradsko vijeće Grada Sarajeva na __. sjednici održanoj dana __. __. 2024. godine, donijelo je

(prijedlog)

ODLUKU

o izboru članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća, za školsku 2023./2024. godinu

Član 1.

(1) Ovom odlukom biraju se članovi Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnici Gradskog vijeća, za školsku 2023./2024. godinu, i to:

1. Mirela Džehverović
2. Toni Vukadin
3. Srđan Srdić
4. Bajro Biber

(2) Predstavnici Gradskog vijeća iz stava 1. ovog člana činit će zajedničku Komisiju Gradskog vijeća Grada Sarajeva i Gradske uprave Grada Sarajeva za razmatranje, obradu i analizu pristiglih prijava na Konkurs za dodjelu stipendija iz sredstava Budžeta Grada Sarajeva za 2024. godinu, koju rješenjem imenuje Gradonačelnica.

Član 2.

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj: 01-GV-02-_____/24
Sarajevo, __. __. 2024. godine



OBRAZLOŽENJE

PRAVNI OSNOV

Pravni osnov za donošenje Odluke o izboru članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća, za školsku 2023./2024. godinu sadržan je u članu 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) kojim je propisano da Gradsko vijeće donosi odluke, druge propise i opće akte i daje njihovo tumačenje i članu 9. stav 3. Odluke o stipendiranju učenika srednjih škola iz Budžeta Grada Sarajeva („Službene novine Kantona Sarajevo“, br. 7/22 i 2/23) kojim je propisano da Gradsko vijeće Grada Sarajeva svake godine donosi novu Odluku o izboru članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća, za tekuću školsku godinu.

RAZLOZI ZA DONOŠENJE ODLUKE

Članom 9. Odluke o stipendiranju učenika srednjih škola iz Budžeta Grada Sarajeva („Službene novine Kantona Sarajevo“, br. 7/22 i 2/23) propisano je da sve prijave pristigle na Konkurs Služba sa kompletnom dokumentacijom upućuje na sjednicu zajedničke Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva.

Također je propisano da, nakon što Gradsko vijeće Grada Sarajeva donese Odluku o izboru članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća, za tekuću školsku godinu, gradonačelnik/ca Grada Sarajeva donosi Rješenje o imenovanju zajedničke Komisije za razmatranje, obradu i analizu pristiglih prijava na Konkurs za dodjelu stipendija iz sredstava Budžeta Grada Sarajeva za tekuću školsku godinu.

Zajedničku Komisiju čini 7 članova, od kojih su 4 člana predstavnici Gradskog vijeća Grada Sarajeva i 3 člana predstavnici Gradske uprave Grada Sarajeva.

Obzirom na navedeno Komisija za izbor i imenovanja je u skladu sa članom 47. Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), a kojim je propisano da Komisija daje prijedloge za izbor, imenovanje i razrješenje iz nadležnosti Gradskog vijeća, utvrdila, u svojstvu ovlaštenog predlagača, navedenu odluku te je istu u skladu sa članom 9. stav 3. Odluke o stipendiranju učenika srednjih škola iz Budžeta Grada Sarajeva („Službene novine Kantona Sarajevo“, br. 7/22 i 2/23) uputila Gradskom vijeću na razmatranje.

Odluka se predlaže na razmatranje po skraćenom postupku u skladu sa članom 121. Poslovnika Gradskog vijeća Grada Sarajeva obzirom da su ispunjena oba uslova za razmatranje akta u formi prijedloga.

OBRAZLOŽENJE PREDLOŽENIH RJEŠENJA

U članu 1. Odluke su predloženi članovi Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnici Gradskog vijeća, za školsku 2023./2024. godinu, dok se u članu 2. propisuje stupanje na snagu odluke.